

նութիւնը: Քաղաքական ղեկավար մարմինը, այսպիսի ահաւոր վայրկեանին, երբ ամենքս կանգնած ենք անդունդի եզերքին, իրաւունք չունի կորցնելու հաւասարակշռութիւնը, իրաւունք չունի դառնելու միմեանց դէմ ամբաստանադրեր պատրաստելով: Մեզանից ամէն մէկը պատասխանատու է ո՛չ միայն իր համար, այլ և հայերի, մահմետականների ու վրացիների — մենք պատասխանատու ենք ամբողջ ազգաբնակչութեան համար: Մենք չպէ՛տք է դուրս գանք, իբրև միմեանց մեղադրողներ. մենք հանդէս պէտք է գանք, որպէս գաղափարական քաղաքական մի մարմին, որը այս յուզումնալից վայրկեանին կոչւած է փրկելու երկիրը: Ես կոչ եմ անում պաղարինութեան ու սեփական պարտքի գիտակցութեան»:

Ի՞նչ ազնիւ խօսքեր, որոնք, սակայն, հնչում էին անապատի մէջ: Գրգանական տարերքը խցել էր ամենքի ականջները:

Ուլուխանլուի և Ղամարլուի ղէպքերի վրա, Երևան մեկնեց մի ուրիշ պատւիրակութիւն, այս անգամ Սէյմի կողմից, որի նախագահ Գէորգաձէն Սէյմի մարտ 7-ի նիստում ներկայացրեց մանրամասն ղեկուցում, որի մէջ, ի միջի այլոց, ասում էր. «Երեւակայեցէք երկաթուղին, որի վրա մի ժամանակ ետում էր կեանքը, սուլում էին շոգեշարժները, գործում էին արհեստանոցները, տրւում էին հեռագրներ, ժողովուրդը օգտւում էր քաղաքակրթութեան պտուղներից: Իսկ այժմ այդ երկաթուղու վրա ոչի՛նչ չէք գտնի. չկան կայարաններ, չկան շէնքեր, ամէն ինչ թախանւած է, ամէն բան փչացած, կայարաններում չէք տեսնի ո՛չ մի կենդանի էակ, ո՛չ մի ծառայող — ամէն ոք հեռացել-կորել է, ոչինչ չի մնացել: Այս վիճակում են գտնւում Ուլուխանլու, Արարատ և ուրիշ կայարանները: Պատւիրակութեան ունեցած տեղեկութիւններով ղէպի Զուլֆա սուհող զօրի վրա կանգուն է մնացել միայն Ղամարլու կայարանը, ուր կանգնած է հայկական մի հարկերակ: Այս վիճակում գտնուող երկաթուղու վրա, որևէ շարժում, զօրամասերի որևէ փոխադրութիւն — ինչ զօրամաս էլ ուզում է լինի՛ ոռւս, թէ հայ—բոլորովին անհնար է: Ճիշտ է, երկաթագծերը դեռ հանւած չեն, փայտեղէն մասը դեռ իր տեղումն է, բայց կատարելապէս անմարդաբնակ են և ճիգ է թափւում, որ այդպէս էլ մնան: Եթէ այդ ճանապարհով անցնելու լինէք, ճանապարհի երկու կողմը կը տեսնէք փորւած դիրքերում նստած քրդեր կամ մահմետականներ: Երբ մենք մօտենում էինք մի աւերւած ու քար ու քանդ արւած կայարանի, կայարանում և ուրիշ շէնքերում նկատեցինք ինչ որ զինւած մարդկանց: Մահմետականների պատւիրակութիւնը իջւե վազոնից, մօտեցաւ այդ զինւած անձանց և հարցրեց. ի՞նչ կայ, ինչո՞ւ են նստած այստեղ: Զինւած մարդիկ սկզբում հեռացան մի կողմ, ապա յետ եկան և բացատրեցին, որ իրենք քրդեր են և եկել են տանելու մնացած գերաններն ու իրերը: Եւ երբ քիչ հեռու տեսանք զինւած մի հրոսախումբ, պատւիրակութիւնը ստիպւած էր դառնալ յետ, բայց այդ զինւած ամբոխը սպիտակ դրօշակը ձեռքին հասաւ ու յայտնեց, որ այդ կամուրջները այրել են ոչ թէ իրենք՝ մահմետականները, այլ քրդերը»:

Սակայն, «Պատւիրակութիւնը լսեց և այլ կարգի գանգատներ. հայկական զօրամասերը ճակատ են դնում. ճակատում թողնւած է հսկայական, բազմամիլիոն արժէք ունեցող գոյք. այդ գոյքը սեփականութիւն է կազմում Անդրկովկասում ապրող բոլոր ժողովուրդներին — և՛ հայերի, և՛ մահմետականների ու վրացիների, այդ պատճառով, հայ զօրամասերը, որոնք դրւում են այդ գոյքը և յայտարարում են իրենց սեփականութիւն, չպէ՛տք է թոյլատրեն անցնելու ռազմաճակատ»... Այն օրը, որ մեր պատւիրակութիւնը հասաւ Երևան, շտապով հայերից ու մահմետականներից բաղկացած